

Alkitab Sagan Kakanakan

Mengenal akan

Yesus
Sang
Guru
Ganal



Panulis: Edward Hughes

Nang manggambar: Byron Unger; Lazarus
Alastair Paterson

Nang manyusun: E. Frischbutter; Sarah S.


Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.





Yesus guru nang ganal, tabaik sapanjang masa. Urang-urang mandangarakan Inya.





Yesus katuju
manyuruh mangampuni, baulah
nang baik lawan kasih. Nang lain
mungkin pacangan mambanci lawan
manyakiti buhannya, tapi Allah
pacangan malindungi buhannya.







Yesus mangajari
banyak hal. Inya
baucap manusia
pilihan Allah
manarangi dunia
kaya lilin manarangi
rumah. Kayaapa
ganalnya lilin nang
manyala dalam
ruangan kadap.



Urang nang bapandir lawan Yesus percaya lawan pambalasan, "Mata dibalas lawan mata, gigi lawan gigi." Tapi Yesus mangajarakan kasih saying, pangampunan lawan cinta kasih, jua tahadap musuh.





Pas jaman Yesus, babarapa urang
bapura-pura hidup suci banar. Pas
buhannya manyumbang duit sadakah
ka paminta-minta, buhannya baisi
urang nang manip tarumpit supaya
urang lain malihatnya.
"barilah diam-diam, Allah

pacangan

mambarkatimu." Ujar Yesus.



Yesus mangajarakan nang sama tantang dua.
Babarapa urang badua di ujung jalan nang rami
supaya urang lain malihat lawan mandangar buhannya.

Buhannya kada paduli tantang
Allah. Buhannya paduli tantang
apa nang dinilai ulih urang lain.
Yesus manyambatnya
munafik -
panipu



Yesus rancak mangambil parumpamaan matan alam hagan manjalasakan ajaran-Nya hagan cuntuh, Inya manunjuk ka burung nang tarabang. "Allah Bapa mu nang di surga mambariakan makanan hagan buhannya," Ujarnya. "Jangan hara. Allah jua nang pacangan mambari makan."



"Raja Salomo kada baisi jubah nang langkar kaya bunga bakung" sambung Yesus. "Amun Allah mandandani rumput di pahumaan, apakah inya kada pacangan mandandani ikam jua?" Yesus pas mangajar urang-urang hagan parcaya ka Allah nang salalu



mamanuhi kabutuhan kita.

"Amun ikam mahakimi dansanakmu, ngintu kaya bausahan mangaluarakan salumbar matan matanya padahal ikam baisi baluk kayu di mata ikam," Ujar Yesus. Urang marimut. Tapi buhannya harus bapikir tantang arti parumpamaanNya.





Yesus baucap supaya urang-urang
minta minta bantuan tarus matan Allah.
Apakah abah dunia pacangan mambari
sabuah batu amun anaknya nang lapar
minta rutu? Kada! Buhannya mambari
barang nang bagus. Allah jua mambari
barang nang bagus
hagan urang nang
minta ka Inya.



Yesus, guru ganal, maingati
tantang guru palsu, "Buhannya
baucap guru palsu kawa
dipinandui matan cara hidup
buhannya".




Dalam kisah inya baucap, Yesus manujukakan pada urang nang taat lawan parintah Allah ibarat urang

nang mambangun rumah di atas batu karang. Badai datang, pas badai ampih rumah tatap badiri kukuh.



Urang bungul maulah rumah di atas pasir. Amun badai datang mahantamnya, rumah ngintu rubuh ulih dasarnya kada kuat. Yesus baucap pada urang nang kada taat lawan parintah Allah pacangan kaya urang bungul.



Urang-urang tacangang lawan kata-kata Yesus. Buhannya kada suah mandangar kaya itu sabalumnya. Damini buhannya mangarti pada kada cukup hinggana mandangar kata-kata Allah. Buhannya harus manaati satiap hari.



Yesus Sang Guru Ganal

Sabuting kisah matan Firman Tuhan, Alkitab

Taulih dalam

Matius 5-7, Lukas 6

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

